

ԾՐԱԳԻՐ

«ՀԱՄԱՅՆՔԱՅԻՆ ԶԱՐԳԱՑՈՒՄ»

1.	Ծրագրի նպատակը	<p>«Հայաստանի մանուկներ» բարեգործական հիմնադրամի (COAF) նպատակն է բարձրացնել գյուղաբնակների կյանքի որակը համայնքային զարգացման երեխայակենտրոն ծրագրերի միջոցով: Հիմնադրամի համակողմանի ծրագրային մոդելը ներառում է զուգահեռաբար իրականացվող կրթական, սոցիալական, սպորտային, տնտեսական և գյուղատնտեսական միջոցառումներ, ինչպես նաև համայնքի համար կենսական նշանակություն ունեցող ենթակառուցվածքների վերանորոգումներ, բարելավումներ: Կրթական միջոցառումների նպատակն է զարգացնել շահառու համայնքների երեխաների մտահորիզոնը և կարողությունները՝ ոչ ֆորմալ կրթական ծրագրերի միջոցով: «ԲՈԱՖ ՍՄԱՐԹ ավանտու» «ԲՈԱՖ ՍՄԱՐԹ» կենտրոնի ստեղծման նպատակն է նպաստել համայնքների արագ զարգացմանը՝ դրանք աշխարհին հաղորդակից դարձնելու միջոցով: Որպես ոչ ֆորմալ կրթական ծրագրի մաս կազմող գերազանցության կենտրոն՝ ԲՈԱՖ ՍՄԱՐԹ-ը ժամանակակից հաղորդակցային ու տեղեկատվական տեխնոլոգիաների միջոցով աշխարհի լավագույն մասնագետներին ու ռեֆորմատորներին կապում է բնակավայրերի հետ՝ տարածելով կրթության, առողջապահության, արվեստի, գիտության, շրջակա միջավայրի ու տեխնոլոգիայի բնագավառների առաջատար փորձն ու մեթոդները: «ԲՈԱՖ ՍՄԱՐԹ» համագումարների կենտրոնի ստեղծման նպատակն է, որպես ոչ ֆորմալ կրթական միջոցառման մաս նպաստել տարածաշրջանի և նրա բնակիչների բազմակողմանի զարգացմանը՝ ամառային դպրոցների, գիտահավաքների, տարածաշրջանային քննարկումների և տարածաշրջանի համար այլ կարևոր միջոցառումների կազմակերպման միջոցով: Տնտեսական միջոցառումների նպատակն է զարկ տալ բնակավայրերում տնտեսական զարգացմանը, գործարարների կարողությունների զարգացմանը ֆինանսական ներդրումների միջոցով: Սպորտային միջոցառումների նպատակն է համայնքային բնակիչների և «ԲՈԱՖ ՍՄԱՐԹ» կենտրոնի շահառուների առողջ ապրելակերպի խրախուսումը՝</p>
----	----------------	---

		<p>համապատասխան պայմաններ ստեղծելու միջոցով: Սպորտային մարզահամալիրից օգտվելու են համայնքային բնակիչները անխտիր, անվճար և նախապես բաժանորդագրվելով: Կենտրոնում գործելու են լողավազան, մարզասրահ, ֆիզիոթերապիայի խմբակ, թենիսի բացօթյա խաղադաշտ, վազքուղի և հեծանվային ուղի: Գյուղատնտեսական միջոցառումների նպատակն է «ՔՈԱՖ ՄՄԱՐԹ» ավանի հարակից տարածքում մշակել գյուղատնտեսական նշանակության հողեր նորարարական լուծումներով, հաշվի առնելով միջազգային փորձը: Հողերի մշակումը և օգտագործումը նպաստելու է տարածաշրջանի և նրա բնակիչների կյանքի բարելավմանը, գյուղատնտեսական ներուժի զարգացմանը: Գյուղատնտեսական հողերի մշակմանը զուգահեռ նախատեսվում է ջերմոցային տնտեսության հիմնում, որտեղ տնկվելու են բազմամյա տնկիներ և մշակաբույսեր: Ջերմոցային տնտեսության հիմնումը գյուղատնտեսական հողերի մշակմանը զուգահեռ, նպաստելու է տարածաշրջանի էկո համակարգի և գյուղատնտեսության զարգացմանը և յուրօրինակ մշակույթի հիմք է լինելու՝ խթանելով սերունդների գիտելիքները գյուղատնտեսության ոլորտում: Ենթակառուցվածքների կառուցման, վերանորոգման և բարելավման նպատակն է ստեղծել անհրաժեշտ շինություններ և միջավայր վերը նշված նպատակների իրագործման համար:</p>
2.	Ծրագրի բարեգործական որակման նպատակը	Նախատեսվում է ծրագրի շրջանակներում օգտվել ՀՀ հարկերի, տուրքերի, պարտադիր վճարների գծով օրենքով սահմանված արտոնություններից:
3.	Բարեգործը	«Չիլդրեն Օֆ Արմենիա Ֆանդ Ինք.» (Նյու Յորք, ԱՄՆ, 149 5-րդ ավենյու, սենյակ 500 (Children of Armenia Fund Inc. 149 5th Ave., Suite 500, New York 10010, USA) և դուկտոր Կարո Հ. Արմենը
4.	Ծրագիրը կատարողը	«Հայաստանի մանուկներ» բարեգործական հիմնադրամ (ՀՀ քաղ. Երևան 0010, Մելիք Ադամյան 2/2, ՀՎՀՀ՝ 02569972)
5.	Ծրագրի իրականացման վայրը և բնագավառը	Հայաստանի Հանրապետության Արմավիրի մարզ, Արմավիր համայնք, Մյասնիկյան գյուղ, համայնքային զարգացում
6.	Ծրագրի բյուջեն	5,492,207,500 դրամ
7.	Բարեգործություն ստացողը	Արմավիրի մարզի բնակիչները
8.	Ծրագրի իրականացման տևողությունը	2022 թվականի դեկտեմբերի 25-ից մինչև 2028 թվականի դեկտեմբերի 30-ը

9.	Միջոցառումների նկարագրությունը և ժամկետները, անհրաժեշտ ֆինանսական միջոցների ծավալը	<p>1. Ծրագրի I փուլում բարեկարգվելու է «ԲՈԱՖ ՍՄԱՐԹ»-ի ավանդը» և զուգահեռաբար կառուցվելու է «ԲՈԱՖ ՍՄԱՐԹ»-ի կենտրոնը: Իրականացվելու է 2023 թվականի հունվարի 15-ից մինչև 2025 թվականի դեկտեմբերի 30-ն ընկած ժամանակահատվածում՝ 2,791,359,000 դրամի չափով:</p> <p>2. Ծրագրի II փուլում կառուցվելու է «ԲՈԱՖ ՍՄԱՐԹ» համագումարների կենտրոնը: Իրականացվելու է 2025 թվականի մարտի 15-ից մինչև 2028 թվականի դեկտեմբերի 30-ն ընկած ժամանակահատվածում՝ 1,271,248,000 դրամի չափով:</p> <p>3. Ծրագրի III փուլում կառուցվելու է «ԲՈԱՖ ՍՄԱՐԹ» մարզահամալիրը: Իրականացվելու է 2025 թվականի մարտի 15-ից մինչև 2028 թվականի դեկտեմբերի 30-ն ընկած ժամանակահատվածում՝ 829,600,000 դրամի չափով:</p> <p>4. Ծրագրի IV փուլում իրականացվելու է գյուղատնտեսական հողերի մշակում և ջերմոցային տնտեսության կառուցում: Իրականացվելու է 2026 թվականի մարտի 15-ից մինչև 2028 թվականի դեկտեմբերի 30-ն ընկած ժամանակահատվածում՝ 600,000,500 դրամի չափով:</p>
10.	Ձեռք բերվող (ներմուծվող) ապրանքների ու ծառայությունների համառոտ նկարագիրը, ծավալները և նախատեսվող գինը	<p>1. «ԲՈԱՖ ՍՄԱՐԹ»-ի ավանդի կառուցում՝ ընդամենը 1,531,239,000 դրամ</p> <p>1) «ԲՈԱՖ ՍՄԱՐԹ»-ի ավանդի ջրամբարի, խորքային հորի, ջրի զտման և մաքրման կայանի նախագծման, կառուցման և փորձարկման աշխատանքներ՝ ընդամենը 680,250,000 դրամ.</p> <p>2) «ԲՈԱՖ ՍՄԱՐԹ»-ի ավանդի ջրամատակարարման համակարգի և կոյուղու համակարգերի, սեպտիկ հորի նախագծման, կառուցման և փորձարկման աշխատանքներ՝ ընդամենը 24,122,000 դրամ.</p> <p>3) «ԲՈԱՖ ՍՄԱՐԹ»-ի ավանդի էլեկտրամատակարարման բարձր և ցածր լարման ցանցի՝ ներառյալ համակարգերի ձեռքբերում կամ ներմուծում, տեղադրում և մոնիտինգային աշխատանքներ՝ ընդամենը 166,755,000 դրամ.</p> <p>4) «ԲՈԱՖ ՍՄԱՐԹ»-ի ավանդի արտաքին բարեկարգման, ճանապարհների և ավտոկայանատեղիի, լուսավորության ցանցի նախագծման և կառուցման՝ ներառյալ բակային տարածքի բարեկարգման, ցանկապատերի և դարպասի տեղադրման, կանաչապատման և մեխանիզացիոն աշխատանքներ՝ ընդամենը 423,112,000 դրամ.</p> <p>5) «ԲՈԱՖ ՍՄԱՐԹ»-ի ավանդի ինժեներական համակարգերի՝ ներառյալ անվտանգության համակարգերի, ինտերնետային և հեռախոսակապի ցանցերի կառուցման, մոնիտինգման, տեղադրման և փորձարկման աշխատանքներ՝ ընդամենը 157,000,000 դրամ.</p> <p>6) «ԲՈԱՖ ՍՄԱՐԹ»-ի ավանդի արևային ֆոտոէլեկտրական տեղակայանքի նախագծման, տեղադրման և փորձարկման աշխատանքներ՝ ընդամենը 80,000,000 դրամ:</p> <p>2. «ԲՈԱՖ ՍՄԱՐԹ»-ի կենտրոնի կառուցում՝ ընդամենը 1,260,120,000 դրամ՝</p>

		<p>1) «ԲՈԱՖ ՍՄԱՐԹ» կենտրոնի կառուցման ընդհանուր շինարարական, ներքին հարդարման աշխատանքներ՝ 945,600,000 դրամ.</p> <p>2) «ԲՈԱՖ ՍՄԱՐԹ» կենտրոնի դռների և պատուհանների պատրաստում և տեղադրում՝ ընդամենը 75,000,000 դրամ.</p> <p>3) «ԲՈԱՖ ՍՄԱՐԹ» կենտրոնի էլեկտրաէներգիայի մատակարարման ցանցի, ջեռուցման, օդափոխության և օդորակման նախագծման, մոնտաժային և տեղադրման աշխատանքներ՝ ընդամենը 161,240,000 դրամ.</p> <p>4) «ԲՈԱՖ ՍՄԱՐԹ» կենտրոնի կահույք և կահավորման պարագաների նախագծման և պատրաստման աշխատանքներ՝ ընդամենը 47,280,000 դրամ.</p> <p>5) «ԲՈԱՖ ՍՄԱՐԹ» կենտրոնի համակարգչային և էլեկտրոնային սարքավորումների տեղադրման և ցանցային միացման աշխատանքներ՝ ընդամենը 31,000,000 դրամ:</p> <p>3. «ԲՈԱՖ ՍՄԱՐԹ» համագումարների կառուցում՝ ընդամենը 1,271,248,000 դրամ՝</p> <p>1) համագումարների կենտրոնի կառուցման ընդհանուր շինարարական, ներքին հարդարման աշխատանքներ՝ ընդամենը 800,000,000 դրամ.</p> <p>2) համագումարների կենտրոնի ջեռուցման, օդափոխության և օդորակման նախագծման և տեղադրման աշխատանքներ՝ ընդամենը 61,240,000 դրամ.</p> <p>3) համագումարների կենտրոնի կոնստրուկտորական մասի աշխատանքներ՝ ընդամենը 308,937,000 դրամ.</p> <p>4) համագումարների կենտրոնի ճարտարապետական նախագծում՝ ընդամենը 26,071,000 դրամ.</p> <p>5) անվտանգության համակարգերի ու սարքավորումների, կահույքի, երաժշտական համակարգի, ձայնային և լուսատեխնիկայի համակարգերի, թարգմանչական սարքավորումների և այլ անհրաժեշտ նյութերի ու պարագաների ձեռքբերման կամ ներմուծման և մոնտաժման աշխատանքների իրականացում՝ ընդամենը 75,000,000 դրամ:</p> <p>4. «ԲՈԱՖ ՍՄԱՐԹ» մարզահամալիրի կառուցում՝ ընդամենը 829,600,000 դրամ՝</p> <p>1) մարզահամալիրի լողավազանի և այլ սպորտաձևերի մասնաշենքերի կառուցման և ներքին հարդարման աշխատանքներ՝ ընդամենը 499,440,000 դրամ.</p> <p>2) «ԲՈԱՖ ՍՄԱՐԹ» մարզահամալիրի մասնաշենքերի օդափոխության համակարգի նախագծման, մոնտաժման և տեղադրման աշխատանքներ՝ ընդամենը 126,560,000 դրամ.</p> <p>3) «ԲՈԱՖ ՍՄԱՐԹ» մարզահամալիրի մասնաշենքերի ջրամատակարարման և կոյուղու ցանցերի կառուցման և մոնտաժային աշխատանքներ՝ ընդամենը 20,160,000 դրամ.</p> <p>4) «ԲՈԱՖ ՍՄԱՐԹ» մարզահամալիրի էլեկտրաէներգիայի ցածր լարման ցանցի մոնտաժային</p>
--	--	--

		<p>աշխատանքներ՝ ընդամենը 3,440,000 դրամ.</p> <p>5) «ՔՈԱՖ ՍՄԱՐԹ» մարզահամալիրի թենիսի բացօթյա խաղադաշտի և հեծանվային ուղու կառուցման աշխատանքներ՝ ընդամենը 120,000,000 դրամ.</p> <p>6) «ՔՈԱՖ ՍՄԱՐԹ» մարզահամալիրի ձայնային և լուսային տեխնիկայի սարքավորումների ձեռքբերման և մոնտաժման աշխատանքներ՝ ընդամենը 60,000,000 դրամ:</p> <p>5. Համայնքում գյուղատնտեսության զարգացում՝ ընդամենը 600,000,500 դրամ՝</p> <p>1) գյուղատնտեսական նշանակության հողերի բարելավում՝ ընդամենը 70,000,000 դրամ.</p> <p>2) հակակարկտային կայանի կառուցում՝ ընդամենը 25,000,000 դրամ.</p> <p>3) ջերմոցային տնտեսության կառուցում՝ ընդամենը 105,000,000 դրամ.</p> <p>4) գյուղատնտեսական և ջերմոցային տեխնիկայի ու սարքավորումների ձեռքբերման կամ ներմուծման, սպասարկման, տեղադրման և մոնտաժման աշխատանքներ՝ 400,000,500 դրամ:</p>
11.	Ծրագրի իրականացման հետ կապված կազմակերպական ծախսերը	Կազմակերպական ծախսեր նախատեսված չեն:
12.	Համագործակցությունը պետական կառավարման, տեղական ինքնակառավարման մարմինների, այլ կազմակերպությունների հետ	Նախատեսվում է համագործակցել Հայաստանի Հանրապետության Արմավիրի մարզպետարանի և Արմավիրի համայնքապետարանի հետ:
13.	Ծրագրի արդյունավետության նկատմամբ վերահսկողության մեխանիզմների նկարագրությունը	Հայաստանի Հանրապետության կառավարության 2003 թվականի հունվարի 16-ի N 66-Ն որոշմամբ հաստատված բարեգործական ծրագրերը բարեգործական որակելու և գրանցելու կարգի 25-րդ կետով սահմանված կարգով կներկայացվեն տեղեկություններ:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՓՈԽՎԱՐՉԱՊԵՏ

Հ. ՄԱԹԵՎՈՍՅԱՆ